

榮昌縣志卷之三

山川



山環水抱壯城邑於金湯嶽峙淵停麗封疆之保障
榮邑祥鍾瀨水秀挹屏山嶺記桃香映丹鳳碧梧而
聳翠堰飄棠蔭浮白鷗綠藻以滌洄惟川嶽之炳靈
亦人文之特起今值

熙朝化洽水陸效祥陟高岡者忘行役之勞泳漢廣者沐
化行之美作山川志

葛仙山縣東三十里

按元和志山在昌元縣南一百五十里舊志在今縣三十里明

榮昌縣志

卷之三

山川

一

統志謂在縣東十五里誤詳古蹟

桃香嶺縣東三十里

與葛仙山相連舊志於葛仙山下註又有桃花嶺可知非一山

府志謂即葛仙山誤詳古蹟

青松山縣東三十里

慶雲山縣東南六十里

寶蓋山縣南一里

九域志昌元縣有寶蓋嶺以山名也今名白象山

文筆山在寶蓋山左

小山也因山建文筆塔歲久傾圮同治三年知縣文康教諭謝

金元倡捐重建

紅巖坪縣南二里

石色赤而質靡石壁鑄有紅岩聳翠四字

七寶巖縣南十里下臨思濟河石壁有大小諸佛像山上有巨石七

馬鞍山縣南二十五里

馬面山縣南三十里二山皆以形似名

井九山在縣南寰宇記在昌元縣南一百五十里側有鹽井輿地紀勝在昌元縣西一百

餘里

洞賓山縣南二里

四寶山縣西二十里在古石巖後

瓷窰山縣西三十里

瀨婆山縣西四十五里寰宇記在昌元縣南七十里四面懸絕唐大曆四年於山

榮昌縣志

卷之三

山川

二

上置行州

五龍山縣西八十里即普朝古寺

老鴉山縣西北七十里輿地紀勝在昌元縣南三十里

綾池波山縣西北本舊志寰宇記在靜南八十里輿地紀勝在昌元縣南七十里崖谷

高峻

綾波羅山縣西北寰宇記靜南縣西三十里此舊志也府志云考綾波羅山在昌元縣

南七十里崖谷高峻疑即瀨婆山

駐蹕山縣北十里昔蜀王建曾駐蹕山下故名

樂觀山縣北十五里即螺灌山穿徑盤曲由下至嶺數百餘步山形似螺

玉屏山縣北二十里

本府志增

銅鼓山縣北一百二十里

輿地紀勝在昌元縣東四十里交安岳界

思濟河縣西二里

源出安岳縣岳陽溪經大足縣東郭長橋下為長橋河又六十里至

榮昌縣界為路孔河又二十八里至觀音灘又西

南流二里至縣西思濟橋為思濟河又三十五里

至清江灘入瀘州界又四十里至福集場繞玉蟾

山下為思晏江合九曲溪入資江通志據圖經謂

此水至榮昌西南止不入他水又疑即瀨婆溪並

誤小舟自三溪河可通至玉蟾山下踰山會資水

至瀘州城北則入岷江也方輿紀以此水為雜

江亦謂之中江自內江縣流入誤甚本府志

石鴨灘縣南四十三里

石形似鴨故名

宛在洲縣南五十里

思濟河下流在河之中原有田載糧二百餘畝河周圍曲包合

榮昌縣志

卷之三

山川

二

流處有一小澗可通舟舊志洲有石梁水澗可渡昔人遶洲種桃春月水綠漣漪桃紅錦爛人擬桃

花源

肖猴灘縣南四十里

在漫水橋下流河中一巨石似猴故名為縣南第一水口俗呼

趙侯灘

白雲溪縣南二十里

清江灘縣南七十里

舊志作五十里

清水溪縣南四十里

在文殊寺下水從山谷中流出雖盛夏暴漲澄清不濁

壇坡灘溪縣東十里

匯諸小溪經東水門遶縣南三橋西折入思濟河

蓮花洋在東水門外

水中無藕種閒出蓮花亦幻境也

兵馬灘溪縣東北十里

源出縣之沙壩子由峯高鋪後繞縣城北經彌陀橋入思

濟河

瀨婆溪縣西四十五里

即瀨婆山小溪也溪中有石橫亘水漲可渡俗謂仙人橋

又一石長三丈餘逼真船形俗謂仙人船溪口一

石高五丈中空如劍穿過俗謂仙人穿劍石

記所謂多有石磧不通舟行也元和志謂在昌元

縣南五十步誤本府志輿地紀勝謂在縣二十里

亦誤本

舊志

印石溪縣北三十里

源出三奇寺後溪流曲折兩岸林木蔭翳一石方瑩如印

慶四年漁樵山人鐫

此三字本府志增

觀音灘縣北二里

明正德中創建石橋三十餘

榮昌縣志

卷之三

山川

四

許家灘縣西二十里

溪流曲折林木葢鬱幽趣盎然俗呼許為梅

三層灘縣西三十里

灘高數丈迤邐三層會大雨傾瀉遙望如瀑布形聲咽數十里

兩旁懸崖巉壁分水從石罅出可灌田百餘畝

旁建佛崖寺依石鑿百餘像大小不等

白馬山縣東水門外

蓮花洋岸與城垣相對昔有白馬廟今廢山崖邊有避暑洞內

刻篆書極秀麗嘉慶道光年間

洞口尚在岩石坍塌止有微蹟

鳳翔山縣東南二十二里

獅子山縣東六里許

白鶴溪岸其形如獅故名

招寶山縣東北十里許

關門灘溪縣東三十里

灘有大石高數丈形如關門鎖峯高場水口府志作棺木灘

白鶴溪縣東七里

玉河溝縣西二十里許

金鐘山縣南三十里

龍洞溪

俗名歐家洞雍正六年紅光從洞上升初似虹霓後見有龍鱗龍尾因呼此為龍洞溪每遇大旱鄉人引水灌田源源不竭

紅巖赤壁縣北一百二十里

高峯聳立半面臨溪遠望之如赤霞然每土墜

里中必有登科者

聖燈山縣東三十五里

山有佛崖洞相傳明正德中有僧坐脫飛昇於此即今果

然寺

榮昌縣志

卷之三

山川

五

李家坪山縣西北二十里

山麓有洞詳古蹟

金盆山縣西百里

即金盆寺山頂有石池池水清潔約深五尺許雖大旱亦不竭

天池山縣西九十里

即瑞蓮古寺詳古蹟

金龜山縣西一百二十里

即今關居寺寺右有月池池水清淺相傳有龜大如

箕不時出沒背能乘人僧以池淺鑿之龜至今不見

鐘鼓山縣北五十里

兩山對峙類鐘鼓形

榮昌縣志卷之三

關隘

易曰重門擊柝以待暴客蓋取諸豫王者慮患豫防設險守國所以嚴異言異服之譏而重為谷為陵之鑰也邑界羈旅通途巴渝首棧憑軾結勒而至摩肩擊轂而來道相望焉重關之下無垢可藏阨塞之衝有奸悉察以為東西保障豈淺鮮哉作關隘志

朝陽關縣東一里

俗名關口今廢

太平寨縣東三十里

在葛仙嶺東嘉慶五年建咸豐十一年里人重修

榮昌縣志

卷之三

關隘

大榮寨縣三十里

即路孔場東北距山西南臨水嘉慶五年建咸豐十一年趙昌銘等

重修

永昌寨

按通志寨在昌州北山唐韋君靖所建昌州古郡名徙昌元改榮昌均係以昌字其地則

異其名實同雍正六年分設大足而永昌寨北山仍系古昌舊蹟按碑目考靜南縣令胡密撰韋刺史碑記云永昌寨者君靖韋公所建也頃乾符之際天下騷然旱蝗相仍兵戈四起公目睹遐僻民不聊生遂合置義兵安戶口抑強扶弱務織勸農足食足兵以殺去殺自黃巢侵陷京闕鑿輿出幸成都四海波騰三川鼎沸韓秀昇悖亂黔峽侵軼巴渝公乃統率義軍討除逆黨值秀昇盡挽舟楫圍逼郡城公乃詳度機宜上下攔截依山排陣背水布兵兩面夾攻從中剪撲賊勢大敗我武維揚渝牧田公備錄聞奏除拜普州刺史值川師叛逆帥臣專征公乃收復合州絕其枝蔓加右散騎常

侍拜合州刺史洎鄭雄失律廣漢山行章攻圍當
州故太尉顧公屢降命旨頻招援應公統領精銳
二萬餘人虔告著龜申令士卒竝破二十七砦殺
戮五萬餘人上聞偉績特進刑部尚書右僕射充
昌普渝合四州都指揮使公以臨郡歲久迺思退
居上表陳情宸衷未允救旨量留加金紫光祿大
夫簡校左僕射扶風縣開國男食邑三百戶屢銜
鳳詔爰剖魚符政懋潁川化隆河內邑有箱倉之詠
俗多襦袴之謠求瘼之念彌堅去害之心益切其
於駕馭英傑取舍毫釐重仁義如邛山輕金帛如
泥滓憐孤恤老濟弱扶危行旅如歸遠邁鄭莊之
驛遊人若市悉登漢相之門其拯綬四方乃如此
也每遇良辰美景月夕花朝張管絃以追歡啟華
筵而召侶周旋有禮揖讓無譁樽俎不空座客常
滿王衍之冰壺轉潤稽康之玉軸甯頑其禮讓又
有如此也至若立功立事為國為民或身提黑槊
或坐運元機身先士卒首挫兇徒謀必十全舉無
遺算其剛毅果敢又如此也當夫賞功討罪激濁

榮昌縣志

卷之三

關隘

二

揚清甄獎公勤黜棄私黨三異感德萬眾歸心其
恩威刑賞有如此也公以海濤未息雲陣猶橫常
願驅脅安置左綿載實倉庾奔衝遂府使牒呼逼
邊檄征行然士馬雖精其如柵未固何思大易習
坎之義徵王公設險之辭乃於景福元年歲春月
卜築當鎮西北維沿岡建寨茲山也上掩霄靄下
抗元平矗似長雲峯如斷崖崖巘重疊磴道崎嶇
一夫荷戈萬人失據由是芟薙草萊相度地形人
力子來畚鍤雲至連薨比屋萬戶千門高亢濬流
煙籠粉堞霧捧朱樓龍吟笳角之聲雷動鼓鼙之
響而乃良工削墨心匠設規築城堡之二千餘間建
敵樓百十餘所遙瞻天際非龜城之可倫高倚雲
間豈蜃樓之能擬其上則飛泉迸出綠水旁流崢
嶸一十二峯周迴二十八年屯萬蓋造化之凝結豈金
湯之比倫况糧儲十年兵屯萬數遐邇徵休軍民
胥慶耕織無妨徭役不缺可謂一勞永逸有備無
患者矣其軍中節級將校多賢傑達機畧博識古
今有如同志兄弟異姓骨肉一心報國戮力從軍

咸奉渥恩皆沾爵賞或崇帶劍或位專城或榮授金貂或職兼霜憲雅荷際會允屬休明請列署石街庶不墜勳業云爾乾甯二年乙卯十二月朔日癸未十九日辛丑記

天全寨縣北一百二十里即銅鼓山嘉慶五年建咸豐十一年重建其地邑占

西南大足占東北綿亘四山週圍數里許危岩峭壁可以望遠上原有銅鼓廟迴龍寺屋宇宏廠古木參差雖盛夏不暑古鐘二口門四東安南治西吉北清清門下數十步有井泉噴溢不絕俗名龍泉

九龍寨縣北一百二十里咸豐十一年建距天全寨里許小於天全峭拔近之

兩寨並峙有犄角之勢其地榮大兩縣交屬

東川保障縣西廣濟橋咸豐十年邑令李肇基建望之宛如一小城

榮昌縣志

卷之三

關隘

三

盤山垵縣南五十里俗名排山垵右連瀘地左連永川層巒疊障綿亘數十里此縣

南第一關隘

天寶寨縣西一百二十里嘉慶五年建咸豐十年邑人吳寶賢等補修四山綿

延懸崖峭壁可容數萬眾四時不乏水其中峯突兀上有佐國古寺青松綠竹蔚然可觀遠近居民咸集於此

桃源寨縣南五十里四面臨江江心一山矗似長雲萃如斷岸咸豐十一年邑紳鄭

鳴昌等捐貲倡修詳山川志宛在洲

太公寨縣北三十里建自前明垣牆寨門古蹟猶在後倚懸岩前當孔道道旁建有

太公廟故今名太公岩

蛇盤寨縣北六十里建自前明形如長蛇險似天塹
首尾寨門至今尚在上建楊家
廟故今名
楊家山

榮昌縣志

卷之三

關隘

四

榮昌縣志卷之三

津梁

單子假道道蒨而豫卜陳亡溱洧濟人惠小而不知為政周禮合方氏有掌月令謹關梁有命津梁之設所以通道路而來四方也榮雖褊小地當衝衢長虹臥波何須褰裳而涉鼉梁映月無事一葦之航作津梁志

東門橋邑東門外

偕樂橋縣東水門外本府志有明邑令光時亭書有碑記字法道勁尚存

板橋縣東八里本府志

榮昌縣志

卷之三

津梁

永濟橋縣東十六里本府志

清平橋縣東二十里舊志

快心橋縣東十五里兵馬灘上流

高洞橋縣東七里許下有深潭當大水漲溢小橋浸沒行者病之改修大橋故名

永安橋縣東二十五里在關門灘溪下其橋磴高一丈餘橋板長一丈餘俱係一

塊石乾隆年間建修舉人余翔有橋碑記

鯉魚橋在峯高場南九里有石灘匠人開石每鑿出石中有石鯉魚金黃色大者尺餘小者數寸

頭尾悉具鱗甲宛然土人以爲守水口之魚請示立碑不准再鑿

平津橋縣東南舊志

永利橋縣東南五十里

朱家橋縣東里許

天公橋縣東十五里

天一橋縣東二十五里

在關門
灘上流

三洞橋縣南門外至西門接建三橋

本府志

靖樂橋縣南二十里

舊志

土地灘橋縣南十五里

原名鎮灘後名仙濟永濟今
名天星為榮瀘通衢橋之上

流一箭湍水直衝
中數礮多待補修

金鳳橋縣南二十里

明成化間修建名福安橋
國朝嘉慶時改修寬一丈二尺

津梁

榮昌縣志

卷之三

二

長三丈餘
改名金鳳

天生橋縣南三十五里

在象鼻河下兩岸無岩無石
突一石橫搭過溪下空上平

不滯流水長五丈有餘
寬六尺許高有二丈

高橋縣南三十里

府志作二十里橋
首有古高橋廟

雙灘橋縣南三十里

漫水橋縣南三十五里

柳灘橋縣南四十里

樂善橋縣南三十里

續成橋縣南三十里

二橋在雙
河場街中

探花橋縣南四十里

單板橋縣南四十五里

余家橋縣南四十五里

海角橋縣南五十里

牛腦橋

光裕橋縣南五十五里

清平橋縣南五十五里

法頗整旁小字有洪武戊寅清平橋梁數字可識

清江灘橋縣南七十里

榮昌縣志

卷之三

津梁

三

思濟橋縣西南三里

建自宋時文潞公顏其名曰思濟明侍御徐公邑令光時亨里人羅文理先後捐建國朝乾隆二十一年邑令唐學海率紳士重修長七丈橫濶二丈高倍之計費四千有奇更名廣濟橋嘉慶中里人羅運禮獨力補修

小灘橋縣西二里

舊志

白水橋縣西半里許

兩山夾拱一水紆迴棠城鎖鑰香國關鍵

仙人橋縣西十里

廩生劉標書有碑記

普濟橋縣西二十里

在許家灘東北相距數武旁有豐碑砣立劉開恆撰記

梓梓橋縣西二十里

在廣順場街中

古泉橋縣西十五里

永樂十八年庚子歲建

黃閣橋縣西四十里

孔家橋縣西三十五里

踏水橋縣西四十五里 在安富場下街場首

仙人橋縣西四十五里 在鴉嶼山下旁有仙人洞洞有仙人船山腰有仙人劍山

頂有仙人墓即李戡李殘弈碁處也

保民橋縣西六十里 旁有觀音堂古柏數株參天掩映不數武即唐氏祠

會龍橋縣西八十五里 即古昌州舊治

汪家橋縣西一百里

涂家橋縣西一百一十里

榮昌縣志

卷之三

津梁

四

劉家橋縣西一百一十里 在普朝古寺前接建三橋一名迂聖一名捲虹一名

會龍明萬曆中鑄聯橋首云諸佛上方這裡乃非常境界三清古蹟此間是何等乾坤

三拱橋縣西一百里 即鴉子池上橋也本府志

觀音橋縣西一百五里 係榮內通衢

金沙橋縣西一百二十里 在吳江堰兩岸巨樹數株交枝掩映其岸側峭壁舊

有永壯山溪四字

觀音橋縣北二里 在觀音寺前創自明正德三年相傳三十餘祠今見者二十七祠橋

首有碑大書臨橋下馬四字筆法遒勁庠生項廷俊書

彌陀橋縣北二里 本府志

五福橋縣北二十里

在新峯場街中橋上有店房舖戶

女仙橋縣北二十里

思貢生吳所題聯云幾度雪寒詩思頓教驢背穩連朝霜滑曉

行不復馬蹄淹

嚴家橋縣北三十里

明萬厯中邑人嚴興才建上有清流下有飛瀑層巖峭壁亂石

嶙峋每春夏間山溪暴漲轟烈如車馬之聲秋冬之交如環珮丁當抑揚不盡橋下有石長丈餘俗呼為鯉魚石又有巨石如印上鐫有紋附近咸謂風水之鎮云

雙興橋縣北三十里

係二郎廟河兩水交匯接建二橋故名雙興

二郎灘橋縣北二十五里

亂石灘橋縣北十五里

榮昌縣志

卷之三

津梁

五

擣石橋縣北二十五里

大榮橋縣北三十里

本府志

白鶴塘橋縣北三十里

仁智橋縣北三十里

側有仁智洞

跨虹橋縣北六十五里

在黎潘溝邑人唐天倫天化建府志作飛虹誤

永濟橋縣北六十里

在賴川鎮

嘉興橋縣北五十里

俗名胡家橋

連封橋縣北六十里

在半邊寺

德新橋縣北六十里

在河包場鑄廠俗名新拱橋

迴瀾橋縣北三十里

昇平橋二橋在縣北三十里高堙口兩溪夾流建二拱橋左迴瀾右昇平中豎石坊邑貢生趙連

城題聯並歌見藝文

聯元橋縣北六十里在河包場豬市壩俗名新拱橋

躍龍橋縣北八十里邑人唐心寬建修

金龜橋縣北九十里

三板橋縣北一百里

萬福橋縣北九十里橋上有小廟側有文昌宮

雙石橋縣北一百里兩水夾流接建二橋故名

榮昌縣志 卷之三 津梁 六

萬古橋縣北一百二十里吳家場外河名清流河其源發於川北下通內江為

兩邑衝衢繁要之區明邑貢生敖萬仞獨建此橋名萬仞橋年久傾圮

國朝嘉慶十八年邑千總廖一鼇倡捐募補四載落成費金萬餘緡長二十餘丈闊三丈建坊於左相國董

蔗林先生聞其事賜以序後復補修三次卒後子敬臣克繼父志壞輒補修道光十一年敬臣募化

邑人唐心寬內邑雷世傑二人捐貲數百緡於橋上面鑿以石縫鎔鐵灌之永無傾覆之患

捲洞橋縣北一百二十里

鹽灘井橋縣北一百二十里距吳家場里許

魚翻橋縣北一百二十里在敖家壩

銅鼓橋縣北一百二十里與內江交界在銅鼓鎮上流

夏家橋縣北一百二十里與內江交界為清流河下流

新橋縣北一百二十里在紅巖赤壁下

高橋縣北一百二十里在周家壩明成化年間建

三鞏橋縣北一百二十里在吳家場外

雙龍橋縣北一百二十里在吳家場外

含珠橋縣北一百一十里在吳家場東

游家橋縣北二十五里

太平橋縣北三十里

迴龍橋縣北三十里在迴龍寺上流

榮昌縣志 卷之三 津梁 七

平橋縣北四十里

向家橋縣北四十里

沙灘橋縣北一百二十里與內江接界

土塘橋縣北一百二十里在周家壩

藍家橋縣北一百二十里

高家井橋縣北一百二十里接建二橋路通盤市

復善橋縣北一百三十五里在三教寺

華興橋縣西南十二里道光三年邑人胡蘭崇蘭瑞蘭馥蘭章兄弟建有碑記